

歷代
度詳
說

表勵準



甲子春康宗校
子永胡楸鋟

原序

天下無道外之事事外之道禮典命討臯陶以歸之天爲天下國家有九經王天下有三重子思以本之至誠之道其揆一也自性理之說興世之學者歧道學政事爲兩途孰知程朱所以上接孔孟者豈皆託之空言不如載之行事之深切著明也紫陽夫子浙學功利之論其意蓋有所指永嘉諸君子未免致疵議焉東萊先生以中原文獻之舊歸然爲渡江後大宗紫陽倡道東南先生實羽翼之故凡性命道德之源講之已洽而先生尤潛心於史學似欲合永嘉紫陽而一之也嗚呼先生宏綱大用旣未得施於當時所著制度詳說又弗及竟於古今沿革之制世道通變之宜貫穿折衷首尾備見鑿鑿如桑麻穀粟切於民生實用有不容闕者焉空虛華靡之學日勝斲喪學者心術至於浮淫壞爛之極先生此書寢鬱而不彰則其用心之苦亦可悲矣科復策與書肆板而行之使讀者知窮經以立其本涉史以通其變研究事理以觀其會通然後見天下果無道外之事事

外之道而古人窮理經世之學蓋如此豈徒以資時文之楨具也哉
泰定三年丙寅夏五月後學廬陵北山彭飛謹書

學古心者至矣將謂秦漢之野夫土民皆然乎而不達其心之
桑祿錄粟以食民土實民實不容國者至矣秦漢之學日漸衰
久矣然古今沿革之備世數變之宜實聚焉東首畢簡且繁整取
一之也而和夫主宏際天用淵宋景公當知和善博奕我獨又哉
命世猶之爾爾之日谷而夫主大善心然史學以爲合禾嘉業則而
爐之善最然爲爾正於大宗蔡邕則東漢之主實張夏之
備其意蓋亦和語宋景公孫子未竟效和善也東漢之主實張
習和之空言不取錄之下車之彩四善則也蔡邕夫
和與世之學善哉其學其善哉兩劉歆映墨未視以士
有以盛王天下不三重子思以本之至始之其外一也自其
天不無數代之事事代之意顯與命情畢謝以編之天爲天不

歷代制度詳說總目

卷一

科目

卷二

學校

卷三

賦役

卷四

漕運

卷五

鹽法

卷六

酒禁

卷七

錢幣

卷八

荒政

卷九

田制

卷十

屯田

卷十一

兵制

卷十二

馬政

卷十三

考績

卷十四

附錄目

歷代制度詳說卷一

續金華叢書

東萊先生呂祖謙伯恭編撰

科目

制度

賓興大司徒以鄉三物教萬民而賓興之一曰六德知仁聖義中和
二曰六行孝友睦婣任恤三日六藝禮樂射御書數鄉大夫三年則
大比考其德行道藝而興其賢者能者鄉老及鄉大夫帥其吏以賓
禮禮之獻賢能之書於王王再拜受之登于天府內史貳之官地○論
士命鄉論秀士升之司徒曰選士注移名于司徒也司徒論選士之秀者而
升之學曰俊士升於司徒者不征於鄉升於學者不征於司徒曰造
士大樂正論造士之秀者以告于王而升諸司馬曰進士注移名于司馬進士
可進受爵祿也司馬辨論官材論進士之賢者以告于王而定其論論定然
後官之任官然後爵之位定然後祿之王制○孝弟力田漢惠帝四年
舉民孝弟力田者復其身○文帝十二年詔孝弟力田三老廉吏今

萬家之縣云無應令其議戶口率置三老孝弟力田常員並漢書○後

漢顯宗中元二年賜三老孝弟力田爵人三級○唐漢德二年停孝

弟力田科唐會要○開寶三年詔諸州有孝弟德行者籍滿萬五千戶

聽舉一人唐會要○開寶八年詔郡國察民有孝弟力田或文武堪用者

會要○制舉漢文帝二年詔舉賢良方正能直言極諫者○武帝建元

元年丞相衛綰奏賢良或治申商韓非蘇秦張儀之言請皆罷奏可

○元光元年五月詔賢良曰賢良明於古今王事之體受策察問或

以書對於是董仲舒公孫弘等出焉並漢書○光武建武六年以日食

舉賢良方正○諸漢帝凡日食地震山崩川竭皆詔舉賢良通典唐制

取士天子自詔者曰制舉所以待非常之材焉唐志臨難不顧徇節

寧邦科長壽三年薛稷長材廣度沈迹下僚科證聖元年張洎才膺管樂

科神龍二年張大來藏名負俗科景雲二年李俊文經邦國科先天元

年韓休道侔伊呂科先天元年張九齡將帥科開元十二年裴敦復王霸科

開元二十二年劉瓘樂道安貧科大曆二年楊鷹軍謀越眾科建中元年

夏侯審
丁俊

○國初制科有賢良方正能直言極諫經學優深可爲師法

詳閑吏理達於教化凡三科應內外草澤人並許諸州及本司解送上吏部對御試策一道以三千字以上咸取文理優者爲入等○景德四年帝曰比設此科欲求材識若但考文義苟有濟時之用安得知今策問宜用經義參之時務○天聖七年詔復置賢良方正能直言極諫博通典墳明於教化才識兼茂明於體用詳明吏理可使從政識洞韜畧運籌決勝軍謀宏遠材任邊寄六科內外官許應又置高蹈丘園沈淪草澤茂材異等三科草澤人許應並進所業策論五十首如優長召試論六首以三千字爲合格卽御試○熙寧二年賢良孔文仲考入第三等詔毀薄時政不足收錄告示發赴本任○熙寧七年中書門下言今進士已罷詞賦所試事業與制舉無異賢良等科乞罷從之○乾德二年賢良費○天聖八年茂材富景祐二年體用吳嘉祐嘉祐六年賢良蘇軾○孝廉元光元年董仲舒請擇吏民賢者歲貢二人帝於是令郡國舉孝廉各一人○元朔元年詔孝廉或

闔郡不薦一人不舉孝者以不敬論不察廉免

並漢書

○光武十二年

詔三公舉茂材廉吏各一人所舉率不復試謗議漸生

通典

○漢獻帝

建安五年詔舉至孝○漢順帝陽嘉元年左雄議察舉限年四十以

上諸生試家法文吏課牋奏有不承科令者正其罪法有如顏回子

奇不拘年齒廣陵孝廉有徐淑年未及舉雄詰顏回聞一知十孝廉

聞一知幾淑無以對乃譴却郡於是太守胡廣等十餘人皆坐謬舉

免黜唯陳蕃等三十餘人得拜郎中自是牧守畏慄莫敢輕舉迄于

永熹察選清平多得其人

左雄傳

○孫權郡察孝廉州舉茂材

三國志

○

魏黃初三年除漢限年之制

通典

○東晉元帝以喪亂孝秀不復策試

既經畧粗定乃詔試經孝秀莫敢應命○唐高祖詔諸州秀才縣考

試州長重覆試歲隨方物入貢

通典

○正觀十八年引孝廉問皇王政

術並不能答○初秀才科等最高試方畧五條正觀中有不第者坐

其州長於是廢開元後復有此舉時無及第者自是士俗所趣向惟

明經進士二科而已

通典

○寶應二年楊綰請依鄉舉里選察秀才孝

廉明經進士並停旋復故典通○建中元年停孝廉科會要計偕元光五

年詔召吏民明當世之務習先聖之術者縣次續食令與計偕漢武紀注

計者上計簿使也郡國每歲詣京師○武學成帝元延元年四月詔

上之令所召之人與上計者俱來北邊舉勇猛知兵法者各一人○後漢安帝建安元年詔舉武猛堪

將帥者各五人○晉武帝咸熙五年詔舉猛勇秀異○唐長安二年

教人習武藝每歲如明經進士法送兵部課試長垛馬射步射平射

筒射又有馬槍翹關負重身材之選翹關長丈七尺徑三寸半凡十

舉後手持關距出處無過一尺負重者負米五斛行二十步皆爲中

第通典並○天聖七年詔置武舉○天聖八年帝御崇政殿親試武

舉人○皇祐元年罷武科舉○治平元年復置武舉○諸科後漢順

帝陽嘉元年以太學新成試明經下第者補弟子增甲乙科後漢書

義曰甲科謂作簡策難問列置案上在試者意投射取而答之謂○

之射策上者爲甲次爲乙若錄政化得失顯而問之謂之對策○

唐明經之別有五經有三經有二經有學究一經有三禮有三傳選

志明經所試一大經及孝經論語爾雅帖通口問一經十義得一者

爲通問通而後試策三條皆通者爲第○熙寧四年明經科廢罷○

〔中〕正魏文帝立九品官人之法州郡皆置中正注云九品之制因後漢建安中衣冠多離

本土置中正爲之區別及法弊也唯能知其閭○進士隋煬帝始建

闕非復辨其賢愚九品及中正開皇中方罷進士科唐寶應二年楊綰上疏言進士科起於隋大業中○唐因隋

舊明經進士二科初止試策正觀八年詔加進士試讀經史一部至

調露二年劉思立奏二科並加帖經通及試雜文會進士所試一大

經及爾雅帖既通而後試文試賦各一篇文通而後試策凡五條皆

通者爲第通正觀二十三年王師旦知舉而張昌齡王公瑾聲震京

邑奏等第無二人名太宗召師旦問之對曰此輩體性輕薄文章浮

豔擢之恐有變風雅帝以爲名言○唐李揆乾元中進禮部侍郎揆

病取士不考寔徒露搜索禁所挾而迂學陋生蔕枕圖史且不能自

措于詞乃大陳書廷中進諸儒約日上選士第務得才可盡所欲言

由是人人稱美本傳○先是進士試詩賦建中二年趙質以箴論表贊

代詩賦太和八年復試詩賦○鄭覃嫉進士浮薄屢請罷之文宗曰

敦厚浮薄色色有之進士科取人二百年矣不可遽罷

會要

○武宗卽

位李德裕論進士不根藝實朝廷顯官須公卿子弟爲之

會要

○太平

興國三年詔律賦以平側次用韻○天聖五年詔進士參考策論○

慶歷四年宋祁等言使士皆士著者而教之於學校先策論則文辭

者留心於治亂簡其程式則宏博者得以騁問以文義則執經者不

專於記誦賦許依倣唐人賦體詔頒下○五年詔進士諸科如舊制

考核

注云先是頒行宋祁等制上封者言非便

○熙寧十四年詔進士罷詩賦貼經墨義

令各占一經并論語孟子諸科稍令改進士科○嘉祐二年詔自今

開科場

四年設科時頗淹久

○治平三年詔今後三歲一開科場○唐取士制

唐制取士之科多因隋舊然其大要有三由學館者曰生徒由州縣

者曰鄉貢皆升于有司而進退之其科之目有秀才有明經有俊士

有進士有明法有明字有明算有一史有三史有開元禮有道舉有

童子有史科此歲舉之常選也其天子之自詔者曰制舉所以待非

常之材焉選舉制殿試武后天授元年策問貢士於洛城殿貢士殿

常之材焉選舉制殿試武后天授元年策問貢士於洛城殿貢士殿

試自此始

通鑑

○開寶六年三月帝御講武殿復試進士○慶歷二年

正月七日富弼言省試有三長殿試有三短請令南宮考定高下於

殿廷喝名著爲彝式九日詔且依舊例○熙寧三年三月上御集英

殿試進士內出制策○知舉元宗開元二十四年舊制考功員外郎

掌試貢舉人有進士李權陵侮員外郎李昂議者以員外郎位卑不

能服眾勅自今委禮部侍郎試貢舉人

通鑑

○帖經帖經者以所習經

掩其兩端中間開爲一行裁紙爲帖凡帖三字隨時增損得四得五

得六者爲通天寶十一載楊俊始開爲三行試日設兵衛荐棘圍之

進士大抵千人得第者百一二明經倍之得第者十一二試已糊其

名考之○別試初禮部侍郎親故移試考功謂之別頭正元十六年

中書舍人高郢奏罷議者是之○元和十三年庾承宣奏復考功別

頭試○大和三年姚中立奏停考功別頭試○六年賈餗又奏復之

唐選

○家保狀會昌四年中書門下奏舉人於禮部納家狀後望依

前五人自相保○公薦建隆四年詔不得更發公薦

故事每歲知舉將赴貢闈臺閣

得公薦○(署舉賜出身)開寶三年詔貢士十五舉者具名以聞籍到所知○(司馬浦等百六人賜本科出身)○(鑲廳)天禧二年詔鑲廳應舉人到省不及格勒停○元年詔鑲廳不合格除落罪名

詳說

取士科目自夏商以前不見於經其可見者至周始有自周後數千載凡其間廢置因革輕重就所偏者看皆自可考然而考論須見得廢置因革輕重之所以然以大畧觀之大抵向前重向後愈輕且如周禮以鄉三物教民謂之賓興只看賓之一字當時蓋甚尊士詳考前一段他一个本度未數精詳具備固不必說只看他賓興之三年大比獻賢能之書于王王拜受之登于天府內史貳之如此其重及至後世如口墨水如奪席脫口刀如棘圍如糊名若防奸盜然爲士者須深思其故何故古如此重後世如此輕須當深究之三代之時一介進修之士惟上之人自求之故如此重又須看當時之于士待之甚重而攷之則甚詳後之待甚輕攷之又畧且如王制論鄉秀士

升於司徒曰選士司徒又論其士之秀者而升之學曰俊士然後方免其徭役大樂正又論造士之秀者升諸司馬曰進士這裏方可以受爵祿司馬政官也以其可使從政也凡經四級然後始可從政然猶未也司馬又辨論官材論其賢者以告于王而定其論論定然後官之任官然後爵之待其位定始與之以祿一人之身未入仕之前凡經四級已入仕之後凡經三級經七級然後始得祿其考之詳如此成周之時見得官爵皆天位天祿不敢輕授至後世與之甚遽全以文字高下爲進退蓋有以一日之長而決取終身之富貴者然論其大畧漢唐以來大抵自重而漸輕自緩而漸速由漢以來雖不能如三代拜受之禮然猶州長身勸爲之駕雖以當時號爲詔諛如公孫弘者猶是鄉人勸勉而來未嘗自進到得後來唐楊綰投牒自進而士始甚輕此所謂自重而漸輕自漢至唐進士登第者尙未釋褐或是爲人所論薦或再應皆中或藩方辟舉然後始得釋褐至本朝始放進士及第卽放釋褐此所謂自緩而漸速科目雖多其間歷代